



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectæ

**Sandini, Antonio**

**Bambergæ, 1753**

CCII. Urbanus VI. Anno Christi 1378. Caroli IV. 33. Joannis Palæologi 38.

---

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

CCII.  
URBANUS VI.

ANNO CHRISTI 1378.

CAROLI IV. 33. JOANNIS PA-  
LÆOLOGI 38.

**D**Um Comitia Pontificia haberentur, Romani veriti, ne creato Pontifice Gallo, Pontificalis Sedes iterum Româ Avenionem transferretur, clamoribus ac minis Pontificem petière Romanum aut Italum saltem. Itaque VI. Idus April. anno 1378. Pontifex renuntiatur *Bartholomæus Prignano*, Neapolitanus Barii in Apulia Archiepiscopus, qui *Urbanus VI.* appellatus est. Vix inito Pontificatu gravem Cardinalium offensionem in se concitavit asperitate suâ. Ob id Cardinales Galli numero duodecim coitione factâ, per speciem vitandi æstûs Româ Anagninam, ubi cum Gregorio XI. transegerant æstatem superiorem, exeunte Junio commigrârunt, Urbano interim cum quatuor Italis Cardinalibus Tibur concedente. Illi factam

Rayn. an.

1378.

§. 2. 23.

25. 47. 55.

Spond.

§. 6. 11.

13 15. 16.

F f f 5                      sibi



sibi à populo vim causati, Urbanum, tanquam vitio creatum, vocant in jus, eisque ut contumaci abrogant Pontificatum. (1) Fundos deinde Urbem Neapolitani Regni, annuente Joannâ Reginâ, in cujus pariter offensionem Urbanus incurrerat, se recipiunt, perductisque ad causam suam tribus Cardinalibus Italis, novum Pontificem XI. Kal. Octobr. creant *Robertum* Cardinalem Gebennensem, annos sex ac triginta natum, qui *Clementis VII.* nomine sibi imposito, mox secessit Avenionem. Utrique parti Reges ac populi favebant, viri etiam insignes cum doctrinâ, tum pietate. Tale est initium schismatis omnium, quæ hæctenus Ecclesiam turbârunt, teterrimi atque longissimi. (2) Quadraginta enim annos Pontificibus Romæ aliis, aliis Avenione commorantibus, Ecclesiam habuit sollicitam. (3) Cum Urbanus totum ferè Pontificatum per Italiam discurrens gessisset valde laboriosum, anno tandem 1389. quietè degens Romæ tria decrevit: unum quod *Jubileum* tertio & tricesimo quo-



quoque anno pro numero annorum ætatis Christi celebrari voluit : alterum quod Festum *Visitationis* B. M. Virginis instituit : (4) tertium quod edixit, ut in locis etiam, quibus sacra essent interdicta, liceret die Festo Corporis Christi rem divinam facere apertis januis ; eodem prorsus modo, quo id fieri die Natali Christi Domini, Paschæ, Pentecostes, & *Assumptionis* Deiparæ Bonifacius VIII. permiserat. Usus Pontificatu annos undecim, menses ac dies sex, Idibus Octobr. sublatus est veneno, à quo ut sibi caveret, à S. Catharina Senensi admonitus fuerat.

## ANNOTATIONES.

(1) De electione Urbani VI. diversi diversa scripserunt, ut quosque studium privatim aut gratia occupaverat. Alii addubitarunt, ritene ac rectè electus esset, propter metum à populo Romano injectum Cardinalibus. Scripti in partem utramque tractatus pæne innumeri : ut ait Spondanus ad an. 1378 §. 10. Baldus Jurisconsultorum hujus ætatis facilè princeps, Urbani VI. electionem fuisse legitimam probavit, ut legere est apud Raynaldum ad an. 1378. §. 36. & ad calcem tom. XVII. Qui etiam  
*fuisse*



fuisse videtur Ecclesie Catholicae sensus, Urbanum, ejusque successores Italiam colentes existisse veros ac legitimos Pontifices, ut scribit Spondanus memoratus §. 17.

(2) S. Antoninus 3 part. Chron. tit. 11. cap. 2. Multae disputationes factae sunt circa istam materiam, multi libelli editi pro utriusque partis defensione. Peruisimos viros in sacra pagina & Jure Canonico habuit toto tempore illo, quo duravit id schisma, utraque pars seu obedientia, ac etiam religiosissimos viros, & quod majus est, etiam miraculis fulgentes; nec unquam sic potuit quaestio illa decidi, quin semper remaneret apud plurimos dubia. Nam etiamsi necessarium sit credere, sicut unam esse Catholicam Ecclesiam, non plures; ita & unicum ejus Pastorem Vicarium Christi; tamen si contigit plures per schisma creati seu nominari Pontifices Summos uno & eodem tempore, non videtur saluti necessarium credere, istum esse, vel illum, sed alterum eorum, qui scilicet fuerit Canonicè assumptus. Quis autem fuerit Canonicè electus, non tenetur quis scire, sicut nec jus Canonicum, sed in hoc populi sequi possunt majores suos, seu Praelatos.

W et-



Wernerus Rollevink in Fasciculo Tem-  
porum ad an. 1378. tom. 2. Scriptorum  
Rer. Germanicarum Pistorii pag. 567.  
*Schisma XXII. omnium schismatum, quæ  
ante fuerunt, pessimum & subtilissimum.  
Adeo enim perplexum fuit, ut etiam do-  
ctissimi & conscientiosi viri non valerent  
discutere, cui esset magis adhærendum.  
Et fuit continuatum per annos XL - - -  
Et ideo ab isto Urbano VI. usque ad Mar-  
tinum V. nescio, quis fuit Papa.*

Brietius in Annalibus ad annum 1378.  
Certè Illustrissimus Cæsar Cardinalis Ba-  
ronius significavit suo Jacobo Sirmondo,  
nihil se æque reformidasse, quàm perveni-  
re ad hoc tempus, de quo quid statuendum,  
non esset liberè pronuntiaturus.

(3.) Pontifices Romani, & Avenionen-  
ses tempore Schismatis ab anno 1378. ad  
annum 1429.

## ROMANI.

## AVENIONENSES.

## URBANVS VI.

## CLEMENS VII.

electus 8. Aprilis anno 1378. Mortuus Romæ  
anno 1378. Mortuus 15. Octobr. anno 1389.

Electus 19. Septembr. anno 1378. Mortuus  
apoplexiâ 16. Sep-  
tembr. anno 1394.

## BONIFACIUS IX.

## BENEDICTUS XIII.

electus 2. Novembr. 1389. mortuus 1.  
Octobris anno 1404.

antea Petrus de Lu-  
na Hispanus electus  
28. Septembr. anno  
1394.

IN-



INNOCENTIUS VII.  
electus 17. Octobr.  
1404 mortuus 6. No-  
vembr. 1406.

GREGORIUS XII.  
electus 2. Decembr.  
anno 1406.

GREGORIUS XII. & BENEDICTUS XIII.  
Exauctorantur in Concilio Pisano die 7. Jun.  
an. 1409. Sufficitur *Petrus Philaretus Cre-*  
*tensis* die 26. mensis ejusdem dictus.

ALEXANDER V.  
qui moritur die 4. Maji  
anno 1410. Subroga-  
tur *Balthasar Cossa* die  
17. ejusdem mensis  
appellatus.

JOANNES XXIII.

Dehinc tres fuere Pontifices.

JOANNES GREGORIUS BENEDICTUS  
XXIII XII XIII.

Romæ. In Regno Nea- In Aragonia  
politano.

Omnes exauctorati in Concilio Constanti-  
ensi.

JOANNES GREGORIUS. BENEDICTUS.  
Exauctoratur ipse se abdi- Exauctoratur  
seif.



fess. 12. die 29. cavit fess. 14. fess. 37. die 26.  
 Maji an. 1415. die 4. Jul. an. Jul. an. 1417.  
 & initio Junii 1415. Obiit  
 traditur in ante finem  
 custodiam. Concilii.

## MARTINUS V.

substituitur fess. 41.  
 die 11. Novembr. an.  
 1417. pro legitimo  
 Pontifice habetur ab  
 omnibus, exceptis  
 quibusdam Argenti-  
 nensibus.

JOANNES XXIII.  
 custodia elapsus be-  
 nignè excipitur à Mar-  
 tino V. & Decanus  
 Collegii Cardinalium  
 constituitur. moritur  
 22. Decembr. anno  
 1419.

## BENEDICTUS XIII.

In castro Paniscolæ  
 conclusus gerit se  
 pro Pontifice. mo-  
 ritur anno 1424. Ab  
 ejus Cardinalibus  
 Pontifex renuncia-  
 tur.

## CLEMENS VIII.

Antea dictus *Ægi-  
 dius Munio* Barci-  
 nonensis, qui abdi-  
 cato Pontificatu die  
 26. Jul. an. 1429.  
*Martino V.* adhæ-  
 ret. fitque Episco-  
 pus Majoricensis.

(4) Bonifacius IX. Constitut. 1. §. 3. Sua-  
 sit & consuluit idem Prædecessor noster  
 (Ur



(Urbanus VI.) ut ipsius festi (Visitatio-  
nis) vigilia, ut vigilia Nativitatis, & As-  
sumptionis prædictæ Virginis festivitatum,  
etiam in observatione jejunii devotius ob-  
servaretur. Vide Historiam nostram Fami-  
liæ Sacræ De Maria Virgine extremo cap. 4.

CCIII.

## BONIFACIUS IX.

ANNO CHRISTI 1389.

WENCESLAI REGIS II. EMMA-  
NUELIS II. 6.

**Q**uarto Nonas Novembris anno  
1389. Cardinales numero qua-  
tuordecim, qui Urbano VI. constan-  
ter adhæserant, ei substituunt *Petrum*  
Rayn. an. 1389. §. 12. 13. Spond. §. 6. Cardinalem *Thomacellum*, Neapolita-  
num, 1 annos natum quinque & qua-  
draginta, qui *Bonifacius IX.* appella-  
tus est. Tria Urbani VI. decreta,  
de quibus supra est dictum, rata jus-  
sit esse, indictumque ab eodem *Fubi-*  
Rayn an. 1390. §. 1. 18. Spond. §. 1. *læum* anno 1390. celebravit. Veri-  
tus, ne Ludovicus Andegavensis po-  
tiretur Regno Neapolitano, atque  
inde gradum in Romanæ Ecclesiæ di-  
tionem inferret, plures ejusdem Ec-  
clesiæ Urbes viris nonnullis potentio-  
ri-